



Broj, 04/5-02-2879/23

Sarajevo, 11.12.2023.godine

## ZAPISNIK

### **20. sjednice Vijeća nacionalnih manjina Federacije Bosne i Hercegovine, održane 29.11.2023.godine.**

Sjednica **je počela u 11 sati.**

Sjednici su prisustvovali: Hidajeta Redžić, Elma Softić-Kaunitz, Dervo Sejdić, Admir Biberović, Zehra Obarčanin, Vladimir Lukičević, Violeta Džolan, Velibor Kuvač, Mišo Ćirko, Džemina Zejnnullahu, Davorka Drijenčić, Davor Ebner, Elvisa Jusić i Bruno Palestra.

Sjednici nisu prisustvovali: Emil Bakoš, Alaga Suljić, Nermin Geca, Mehmed Suljić, Emin Fafulić, Dejan Piotrovski i Irma Muratović

**Sjednicom je predsjedavala Hidajeta Redžić, predsjedavajuća Vijeća nacionalnih manjina Federacije Bosne i Hercegovine.**

**Za 20. sjednicu Vijeća nacionalnih manjina Federacije Bosne i Hercegovine predložen je sljedeći:**

## DNEVNI RED

- 1. Usvajanje Zapisnika sa 19. sjednice Vijeća nacionalnih manjina Federacije BiH,**
- 2. Prijedlog za izmjenu statusa Vijeća (evolucija u savjetodavno isključivo Doma naroda Parlamenta FBiH),**
- 3. Nacrt Plana rada Vijeća za 2024. godinu,**
- 4. Tekuća pitanja.**

Prijedlog dnevnog reda je jednoglasno usvojen.

## **1. Usvajanje zapisnika sa 19. sjednice Vijeća nacionalnih manjina Federacije BiH**

Zapisnik sa 19. sjednice Vijeća nacionalnih manjina Federacije BiH je jednoglasno usvojen, bez prijedloga i primjedbi.

## **2. Prijedlog za izmjenu statusa Vijeća (evolucija u savjetodavno isključivo Doma naroda Parlamenta FBiH)**

Predsjedavajuća se osvrnula na propise kojim je Vijeće nacionalnih manjina Federacije BiH definirano i obrazovano kao savjetodavno tijelo Parlamenta Federacije Bosne i Hercegovine, i kao takvo, kroz svoje djelovanje suočava se sa mnogim komplikacijama i zastojima u radu. Prvenstveno je to posljedica problema u komunikaciji sa nadležnim tijelima Parlamenta Federacije BiH, naročito Predstavničkog doma Parlamenta Federacije BiH. Nadležna tijela Doma naroda Parlamenta Federacije BiH su u odnosu na potrebe i zahtjeve Vijeća, kroz protekli period, postupala značajno korektnije i profesionalnije. Posljednji primjer je zahtjev koje je Vijeće uputilo Administrativnim komisijama Parlamenta Federacije BiH, za odobravanje finansijskih sredstava potrebnih za organizaciju Naučnog simpozija povodom Međunarodnog dana ljudskih prava, na koji Administrativna komisija Predstavničkog doma nije uputila čak nikakav odgovor.

Predsjedavajuća je istakla kako je svjesna da izmjena zakonskih i drugih propisa kojima je reguliran način osnivanja i rada Vijeća nije jedostavna procedura, potrebno je mnogo rada, ali se taj proces može započeti dostavljanjem inicijative predsjedavajućim domova i Komisijama za ljudska prava Parlamenta FBiH, pa nadalje.

Shodno navedenom, te imajući u vidu način organiziranja Vijeća nacionalnih manjina u Parlamentarnoj skupštini BiH, predsjedavajuća je predložila članovima Vijeća pokretanje inicijative za reorganiziranje Vijeća nacionalnih manjina Federacije BiH kao savjetodavno tijelo Doma naroda Parlamenta Federacije BiH.

Članovi Vijeća su jednoglasno usvojili zaključak da se pokrene inicijativa izmjene propisa kojima bi se Vijeće nacionalnih manjina Federacije BiH ustanovilo kao savjetodavno tijelo Doma naroda Parlamenta Federacije BiH.

## **3. Nacrt Plana rada Vijeća za 2024. godinu**

Predsjedavajuća je podsjetila članove da se Izvještaj o radu Vijeća nacionalnih manjina Parlamenta Federacije BiH, za prethodnu godinu, mora predati do 30. januara tekuće godine, te da Vijeće do navedenog datuma morao usvojiti Plan rada za 2024. godinu.

Pozvala je sve članove Vijeća da svoje prijedloge i sugestije u vezi Prijedloga plana rada Vijeća, dostave do sljedeće redovne sjednice, ili izlože na sjednici, kako bi na osnovu istih donijeli što kvalitetniji Plan za 2024. godinu.

## **4. Tekuća pitanja**

- Predsjedavajuća je obavijestila članove da je telefonskim putem razgovarala sa predsjednikom Administrativne komisije Predstavničkog doma Parlamenta Federacije

BiH. Ovim putem ga je direktno informirala o dubokom nezadovoljstvu članova Vijeća zbog nemarnog odnosa ove Komisije prema zahtjevima i potrebama Vijeća.

U razgovoru je naročito istakla da uporno odbijanje povećanja mjesečne naknade za rad članova Vijeća, pored dostupnih budžetskih sredstava, a uz argumentaciju koja ne samo da nije korektna, nego je i suprotna zakonskim odredbama, ukazuju na potpuni nemar ovog tijela prema predstavnicima nacionalnih manjina. Također, navela je da druga tijela, slična Vijeću, imaju znatno veće novčane naknade, a manji predviđeni budžet. Predsjednik Administrativne komisije je nakon što je saslušao predsjedavajuću dao prijedlog da Vijeće ponovo uputi zahtjev za povećanje naknade.

Predsjedavajuća je ovaj zahtjev pripremila i prezentirala Vijeću. U zahtjevu je, između ostalog, predloženo da se mjesečna naknada za rad članova Vijeća utvrdi u visini od **250,00 KM (slovima: dvijestotinepedeset konvertibilnih maraka)** po prisustvu sjednici, odnosno da se izjednači visina naknade predsjedavajućeg i članova Vijeća.

Članovi Vijeća su se jednoglasno složili sa sadržajem ponovljenog zahtjeva za povećanje naknade za rad članovima Vijeća nacionalnih manjina Federacije Bosne i Hercegovine, osim u dijelu koji se odnosi na izjednačavanje visine naknade predsjedavajuće i ostalih članova Vijeća. Budući da predsjedavajući/a Vijeća ima više obaveza i aktivnosti od ostalih članova potrebno je da iznos mjesečne naknade za predsjedavajuće bude veći.

- Članovi Vijeća su od strane predsjedavajuće informirani da je Administrativna komisija Doma naroda Parlamenta Federacije BiH, dana 5.12.2023. godine, donijela Odluku o isplati novčanih sredstava Vijeću nacionalnih manjina FBiH, broj: 02/3-11-2634-23, kojom se Vijeću nacionalnih manjina Federacije BiH odobravaju sredstva u iznosu od 5.100,00 KM odnosno polovina traženog iznosa.

Predsjedavajuća je naglasila da je u međuvremenu istekao rok planiran za pripremu i realizaciju navedenog Naučnog simpozija, kao i da Administrativna komisija Predstavničkog dom Parlamenta Federacije BiH nije blagovremeno odobrila drugu polovinu traženih sredstava zbog čega Vijeće nacionalnih manjina Federacije BiH nije u mogućnosti organizirati planirani događaj.

Predložila je članovima Vijeća da se Administrativnoj komisiji Doma naroda Parlamenta Federacije BiH pošalje obavještenje da Vijeće, zbog gore navedenih razloga, nije u mogućnosti prihvatiti sredstva odobrena Odlukom, broj: 02/3-11-2634-23 od 05.12.2023. godine. Također, da Vijeće izražava zahvalnost Administrativnoj komisiji Doma naroda Parlamenta Federacije BiH na dobroj namjeri, te ističe uvjerenje u buduću uspješnu saradnju na polju zaštite i promocije prava nacionalnih manjina u Federaciji BiH.

Nakon provedene rasprave članovi Vijeća su se jednoglasno složili sa prijedlogom predsjedavajuće.

- Dervo Sejdić je predložio članovima održavanje sjednice Vijeća povodom obilježavanja 14 godina od donošenja presude Europskog suda za ljudska prava u Strazburu u predmeta Sejdić-Finci i njenog neprovođenja od strane bosanskohercegovačkih vlasti.

Članovi Vijeća su jednoglasno podržali navedeni prijedlog i usvojili zaključak o održavanju Tematske sjednice Vijeća nacionalnih manjina Federacije Bosne i Hercegovine na temu „Neprovođenje presude Europskog suda za ljudska prava u predmetu Sejdić i Finci“.

Planirani datum održavanja Tematske sjednice je petak, 22.12.2023.godine, s početkom u 11 sati.

Poziv za prisustvo sjednici će se uputiti medijima, a nakon održavanja sjednice održat će se Konferencija za medije.

Sjednica je završena u 12 sati.

**PREDSJEDAVAJUĆA VIJEĆA NACIONALNIH  
PARLAMENTA FEDERACIJE BiH**

